

[www.BibleForChildren.org](http://www.BibleForChildren.org)

# Matta 8



Ka füngngö kanda iidoona ya, a tarna taganna ka  
Kaana ka Jaliil, a niimö ma Yasu taganna kide, a kadu  
tagümmünü Yasu nja kadalaadene kaco ka tarna.



Ka kadu kanda 'duuru ngeeli ya, ikiri niimö ma Yasu ka tiki iini, "Taalo ngeeli köreene kene." A niimö ma Yasu tiki a kadu tanno alinggo no, "Niimö yiini ka tiki aaga a'da aaga talinggo ya aaga linggo."



Īkiri Yasu ka tiki a kadu tanno alinggo no,  
"Aaga tigi nadhafala a 'biidi," kikirī ka  
tigaana ö'dö ka niinö miini. Īkiri ka tiki  
eene, "Bitingngö aaga indi ökönö aaga  
tunggo co uugaara ma linggo." Kikirī ka  
tinya iini.



Kini ka tagolo 'biidi ata'bele kada ngeeli ya, a'da taalo  
ussu a'da kö'dö ndama kiga, lakiini kasaga na amana  
ngeeli a kadu no, eege  
kungngo kussu,  
adagümmünü  
tatarna yeene.



Iki iini, "Kadu 'do kamana ngeeli na itoto no a kadu ka dhidha, a kadu kandaaya kide ya, kikiri kamana na 'biidi no eene. Lakiini nagala o'o ka afa ka ngeeli tanno itoto no, na o'o sa ka öö'dö iini 'bitingngö adha."




Yasu ala eema keefe nja türü nja  
tidhindhi tanno iini a kadu ka Kaana  
ka Jaliil ka dhidha a  
kadalaadene niini tadinö  
kide kamma kini.



İkiri Yasu ka co kita Bütürs aluna  
'berki miini ka tamaara ma füngngö.



Īkiri ka tūmmū oogo ka niisö a maara taadha kono,  
mafiki'dö müüni ada eema eene.




Ka 'buugu kanda siiya, ka ndanaaya ka nda'dinggö  
caa'bu ya, a kadu tö'dö a kadu tanno maara no a Yasu  
nye'd'de kungngo nja  
tanno kaana nagana'bu  
ka oona no. A kadu ma  
anya nye'd'de tö'dö  
kadigi ka inye ma  
'bügööri dhirri  
kungngo.



A Yasu toolona kadu ma maara kadhabbu adagasoro  
nagana'bu ka kadu ka oona kadhabbu, afaga  
nagoronggore na oroko no keere ka teema, kudumma  
eene ka tussu i'i.



A kadu nye'd'de tasaasa tmm i'i ka oona ana iisine kudumma a tr ka takicci a kr ndama iini ka oona koolona kadu nye'd'de kungngo.



A kadu könö ka egiisö kö'dö a mügüre iini.



Illi 'buugu meene ka tigaala kide  
ana i'i kunggu co Yasu, titaalo  
kudumma kadu ka tadhabbu  
yungngo eene kasirö 'dasala  
kaparsaana tiisi ku'bu ka  
'diniga mügüre  
ku'bu a sekede.




Ka Yasu ka tassa ka  
tamma ana eedi tiya  
eene ya, ikiri ka tiki a  
mügüre, "Bii'bala eede,  
noolonadene o'o ka  
tatoroko." "A'a  
niki o'o, fiki'dö  
na'duga sekede  
yüüdü naco 'di."



İkiri Yasu ka taka ka mürkabü, a  
kadalaadene turna i'i keere.  
İkiri tanya ka tagiisö  
dhindho, a 'biidi taküdhü  
mürkabü koon a'da  
agarigide Yasu.



İkiri Yasu ka tiki eene, "Minna agu aaga, aaga tari'ba? Kitaalo tamma ma Masala ada ka nanggeedi." İkiri ka fiki'dö agirnaana ka tanya nja 'biidi ka to, a 'buugu tamusuli ku'bu amudhudhuli. A kadu tadhère kiki a'da, "Ömö'di öjö yungngo? A tanya nja to kaföönyö tamma niini!"



Kungngo Masala masaasa kadu  
nye'd'de, mikiri ka kürünü 'Bii'bala  
yoono ya unggodho ya, amang ka  
kadu tanno amma kini no tafa  
taama, lakiini kataluna tefe  
ka 'di ta'billi.



Rööma 3:23

Kudumma kadu nye ' d ' de kungngo ka oroko, taalo kussu fiini ma Masala.

Rööma 6:23

Kudumma faana ma tatoroko inde eege kamiini a türü na Masala eege ka tefe ka ' di ta ' billi ana Uugaara tiya aja Yasu Almasiihi.

Ebraniin 9:27

Kadu ' do kara taaya ta unggodho a Masala kara tümminü eege.

Afodus 2:8,9

A türü tanno Masala ka tuna aaga toolonadene a tamma, taalo ndama aaga lakiini Masala manangnga aaga. Taalo linggo naada eege kamiini, lakiini linggo na Masala eege kamiini ii ' di ömö ' di könö tabbü ' daniisö iini.



## Rööma 10:9,10

Küdü kara teema ana onngo ' do tammo üüdü a ' da Yasu Uugaara, namma ana eedi tiya üüdü a ' da Masala manangnga i ' i ka fiki ' dö ndama inde ya ara o ' o toolonadene. Tamma ana eedi kara tanangnga aaga ka ' diila nja Masala a tamma a nanggo ' do tanangnga ömö ' di ka toolonadene.

## Yühanna 3:16,17

"Kungngo Masala masaasa kadu nye ' d ' de, mikiri ka kürünü ' Bii ' bala yoono ya unggodho ya, amang ka kadu tanno amma kini no tafa taama, lakiini kataluna tefe ka ' di ta ' billi. Taalo Masala magürünü ' Bii ' bala yoono ka kadu a ' da ümmü eege, lakiini moonoo ka toolona kadu ana i ' i.



## 1 Yühanna 5:11-13

Tumma eege kungngo, Masala manangnga tefe ka ' di ta' billi angnga, a tefe ka ' di na miini no kungngo a ' Bii ' bala tiya oono. Ömö ' di ya amma ka ' Bii ' bala ya, tefe ka ' di na miini no kungngo ömö ' di tiya miini ya. A ömö ' di ya taalo amma ka ' Bii ' bala ma Masala ya taalo tefe ka ' di na miini no kini. A ' a narigiri ada aaga amang kada tussu a ' da kana aaga tefe ka ' di ta' billi, aaga na amma ka ' Bii ' bala ma Masala no.



Matta 8-9; Murkus 1-2, 4; Lüüka 4, 8; Yühanna 2

Storyline by: Edward D. Hughes

Illustrated by: Byron Unger; Lazarus  
and Alastair Paterson

Adapted by: E. Frischbutter; Sarah S.

Katcha-Kadugli-Miri NT (xtc) © (Active), Wycliffe Bible  
Translators, Inc. All rights reserved.

<https://www.bible.com/bible/2494/MAT.1.KATCHA>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

